



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

§. 2. De finibus Galliae Cisalpinæ.

urn:nbn:de:hbz:466:1-13120

flatis ex variis nationibus Cenomanis, Aruernis, Senonibus, Boiis & aliis in Italiam transire molitus, confedit primùm in parte Gallia quæ postea Narbonensis dicta est, ubi & Massiliensibus auxilio fuit; at hæc condita Olymp. 45. Urb. cond. 154. Tarquinij Prisci 14. quando contigit

Prima Transmigratio cum per Alpes Taurinas transit cum Insu-
bribus suis Bellouesius, & regionem ad Mediolanum occupavit.

Secunda Migratio, seu expeditio fuit Cenomanorum paulò post
sub Elitouio duce, per easdem Taurinas Alpes. De tempore hoc
statui potest, eos non multis annis interiectis transiisse, quia Liuius
lib. 5. ait eos Alpes transiisse Belloueso fauente.

Tertia expeditio Libiciorum fuit, sed quo Duce, aut tempore
non constat; & eodem itinere cum superioribus, ex Liuius, viden-
tur transiisse.

Quarta Migratio, Boiorum fuit, & Lingonum, qui non viden-
tur eò irrupisse ante annum Urbis conditæ 232. Olymp. 64. annum
3. Tum enim Umbri cum Etruscis qui Padum accolebant, oppu-
gnabant Cumas, ut ait Dion. Halic. lib. 7. at Etrusci expulsi sunt
à Boiis & Lingonibus, ut habet Liuius.

Quinta denique & extrema expeditio, fuit Senonum quæ incidit
se videtur in annum V. C. 359. tunc enim ait Liuius lib. 5. Etruscis
dixisse in concilio non posse se iuuare Veios contra Romanos,
quòd haberent novos incolas Gallos cum quibus nec pax satis fi-
da, nec bellum pro certo esset. Certè iidem post quatuor annos
hoc est Olymp. 97. an. 2. Clusum obsederunt, & sequenti Ro-
mam incenderunt V. C. 364. Olymp. 97. an. 3.

Quæritur utrum hi Galli vrbes habuerint, an tantùm in vicis
habitarint? Qui *negant* vrbes condidisse, nituntur auctoritate Pli-
nij lib. 19. cap. 1. & Strabonis lib. 5. ex Polybio, ubi vocatur Me-
diolanum vicus, additurque Gallos vicus incoluisse. Qui aiunt, in-
nituntur Plutarcho dicenti in Camillo Gallos in 18. vrbus
Etruscorum quos depulerant, habitasse.

§. 2. De Finibus Gallia Cisalpinæ.

QVID QUID terrarum fuit ab Arsiâ Fluuio ad Æsim vsque, &
Anconam, & à Varo Fl. ad Arnun sub Coss. Romanis Gallia
Cisalpinæ adiudicatum est. De Arsiâ Fl. probatur: quia lanæ Alti-

nates Gallicæ dicuntur apud Columelam de re Rust. lib. 7. cap. 2. & apud Vibium Seq. Timauus Aquileiæ, Galliæ fluuius est. Apud Melam lib. 2. cap. 4. *Carni & Veneti colunt Galliam Togatam.* Aliquando tamen Veneti excluduntur à Galliâ Cispalinâ; sic alueus citimus Padi dicitur Venetos à Galliâ Cispalinâ dirimere.

De Anconâ citari solet idem Mela loco iam laudato: *Ancon inter Gallicas, Italicâsque gentes quasi terminus interest:* sed clariùs Plinius lib. 3. cap. 14. *Ab Anconâ ora Gallica incipit, Togata Galliæ cognomine.* Vulgò tamen Rubicon Fl. hodie *Fiumicino*, aut *Rugone* statutus est ab eâ parte Galliæ limes; ita Cicero 6. Philippicâ, Plutarchus in Iulio, Suetonius, Appianus in ciuilibus, Lucanus, Plinius, &c. Hanc tamen opinionum varietatem conciliat Strabo libro quinto, dum ait: *Is limes saepe à Magistratibus mutatus est, & primum Æsim voluerunt, postea Rubiconem.*

De Arno fluuijo, & quòd Liguria eò vsque protracta, sit adiudicata Galliæ, arguit is locus ex Suetonio in Iulio, vbi dicuntur Crassus & Pompeius Iulium conuenisse Lucam, in vrbem prouinciæ suæ; at Luca iacet inter Macram & Arnun.

§. 3. De Alpibus Galliam Cispalinam ambientibus.

N V M E R V S I. Nomen.

ALPES in plurali, & Alpis in singulari Poëtis, & in Itinerariis, in Alpe Graiâ, Pæninâ; Græcis Αλπεις 105. Hoc nomen habere dicuntur primo à candore, nam Festus ait Sabinos album dicere alpum. Secundo ab altitudine, nam Galli altitudines montium vocant Alpes inquit Isidorus Orig. lib. 14. cap. 8. & Seruius in 10. Æneid. vnde factum vt montes Pyrenæi & Carpathos Alpes vocarentur. Tertio à transitu, sic enim Galli vocant transitum inter angustias, inquit Procopius lib. 1. Goth. Quarto vt Mythologi ab Albione, vel Alebione filio Neptuni qui hîc contra Herculem dimicans occidit. Quinto vt vult Tzetzes in Lycoph. à quodam Alpi qui hîc interfectus est.

TAVRI vt pluribus probare nititur Cluuerius, vnde & populi Taurisci dicti: certè in Norico nominibus illis additur vox illa Taurn, & aliter Alben, vt Felber-Taurn, seu Felber-Alben.

RIPHÆI montes; sic disertè Athenæus lib. 6. cap. 4. Alpium